

## BOCHOR REAK 24AK ATHWAR

### Onor

Kristre adi manotan dularia Go-Baba, boeha-miserako- jotoko Jisu maran

Teheñ do, bochor reak bar gel ponak Athwar kana. Teheñak Bhage Sombat hotete, aboren Probhu Jisu abo sanamko samanre mitten maran sikhounae dohoyetkana: Uni do bina hisab dohote ika hatin lagit hohoe emabonkana. Patras do Jisu then noa kukliye dohoyetkana, "E Probhu Isor, boehan in uparteye kailere tinak' dhaoiñ ikaitaea? Eae dhao habic'?" Noa reak jobabre, Jisu doe menetkana, "eae dhao habic' do, menkhan eae gel dobor eae dhao habic' ikayem." Kai ika hatin do aboak jion reak hissa benao jarur tabona.

Boeha-boeha tala sudhrauok reak phen katha hotete, Jisu do sikhounae emabon kana je abo sanamko do, Isorak aema daya-mayabon namakada arbon atkarakada. Isor khon namakat daya-mayã do, abo sanamko mit-etak boeha-miserako saote ho hatin jarur tabona.

Aboak jion dharre, abo sanamko do aema lekanak hamal bojhako, aema duk-muhimko, aema hados reak bharko, aema lekanak jokhomko, ar aema lekanak ghaokobon gokkak kana ar bohokrebon dipilkak kana. Aema oktere, abo do badla hatao reak kathako bon hudisetkana ar onako do bohok khon bangebun ocoq dareyak kana, menkhan ika hatin hor bon tahen khan, ona badla hatao reak mon-suba do ban hijuka. Aboak ika hatinte, mit-etakko do bogeko nametkana, mit-etakko do sulukko atkaretkana, ar mit-etakko talare solho hec ruarok kana.

Dela, dularia Go- Baba, boeha-miserako, tehen Isor then bon nehorma jemon Uni do abo sanamkoak ontore labitte, aboak rangakoe cabaete, aboak badla hatao reak mon-suba ocoqte, aboak ontorre ika hatin reak mon-suba ho janamokte, abo do Uniak daya-mayã bon sodor dareyaka.

### Pahil Pat

**Ben Sirakak puti khon tehenak pahil pat**

**Ben Sirakak 27: 30; 28: 1-7**

Naraj ar edre, noakin ho hirkha katha kana,

Ar banar do kai hore namok kana.

Okoe badlae hataoa, uni do Probhuak badlae nama,

Okoe do kai reak kahak hisabe dohoyet.

Am adepaserenice narajocoetmekhan, ikakaeme,

Arem koejore, amak kiko do ikaktama.

Mit hor do etak hor uparte kurude dohoeyetkhan,

Probhu then ika cekateye koe darekea?

Ac lekan hor lagit dayabae uduketkhan,

Ac nijak kiko lagit do cekateye aroj dareaka?

Actet jel-jante benao manwa do edrey dohoetkhan,

Okoe hale uniać kaiko doe ikaitaea?  
Ses kathako disaime ar hikrkha gagiyme,  
Seak ar gujuk dissime ar hukumko dohoeme.  
Hukumko disaime ar am adepaseren uparte edre alom dohoea,  
Cotutarićak bondobos dohoeme ar ghakto ikakakme.

Noage Probhuak katha do.

Seren Ruarok Orhe

Serenko 102:1-4, 4-12

Coran: 102:8

Coran: Probhu do daya are mayawangea,  
Edrek lagit tahi ar dayak lagite cotkargea.

1. E inak jiwi, Probhu sarhaoem,  
E goa inte, Uniać sonot nutum sarhaotaeme.  
E inak jiwi, Probhu sarhaoem,  
Ar uniać sanam bhorko tis ho alom hira.  
  
2. Unige sanam ghaktoe ikaittama,  
Amak sanam rog-bighinkoe bogeyettama,  
Amak jiwi do ghaklak khone owarettama,  
Daya-mayateye abharanetmea.  
  
3. Uniać edre do jaejug lagit do ban kana,  
Ar Uniać chitkal do mit gari lagit kana.  
Abonak kaiko leka do bae ganjonetbona  
Ar bando abonak ghakto lagit lek kan lekae halawabonkan.  
  
4. Ente serma do dharti cetanre tinak coa,  
Unakge ac batoraekanko lagit Uniać dare do dareana.  
Purub do pachim khon tinak sangina,  
Unakge abo khon aboak kakoe sahareda.

## Dosar Paṭ

Romiko then bhoranić Prerit Paulusak ciṭhi khonak teheñak Dosar Paṭ Romiko 14:7-9

[7] Aboko modre okoe hõ apnar laḡit' jiwet' babon takenkana ar apnar laḡit' okoe hõ babon gujuk' kana. [8] Abo jiwet' bon taken khan abo do Probhu laḡit'ge jiwet' bon takenkana, ar bon gujuk'kan khan Probhu laḡit'ge bon gujuk'kana. Enḡekhan jiwet' bon taken se bon gujuk', abo do Probhu Isorren kangea bon. [9] Maṣi doe goc'lana are jiwet' beret'ena jemon uni do jiwet'ko ar goc'koren Probhui hoydaṛeak'.

Noage Probhuak Katha do...

## Sarhao Aṛań

Joh 13:34

Alleluia!

Miṭṭen, nãwã hukumiń emapekana, Probhui meneda:

dupulaṛpe, Iniń dulaṛakataṛpe lekage.

Alleluia!

## BHAGE SOMBAT

Sonot Maṭiye olakaṭ leka Bhage Sombat

Maṭi 18:21-35

[21] Unre Patras do hec'kate Jisui metadea, "E Probhu Isor, boehań iń uparte ye kaḡilere tiṇak' dhaoiń ikaṭitaea? Eae dhao haḡic'?" [22] Jisui metadea, "Bań metam kana eae dhao haḡic' do, menkhan eae gel dobor eae dhao haḡic' ikaṭem. [23] "Nelpe, serma raj do nonkan mit'ten raj lekana, okoe do ac'ren gutiko then hisaḡ hataoe menwan. [24] Ado hisaḡ hataoe ehopen khan onko modren nonkan mit'ten gutiye aḡu ocoyena, one okoe do raj then lakh lakh ṭakae rin akat' taḡekan. [25] Uniyak' do halateak' cet' hõ bań taḡekantaea. Onate kisṭ doe hukumkeda uni ar uniren era hopon ar uniyak' menak'ak' jotowak'ko aḡhrińkate jemon paona aḡaṭiyok'tae. [26] Khange uni guti do kisṭarak' ti jaṅgare giḡiyenteye menkeda, 'Ma jiwi hataṛme, ado jotowak' iń ruṭakatama.' [27] Unre kisṭ doe maṭyã hec'adete uni gutiye aṛak'kadea ar joto rin khone khalaskadea. [28] "Tayomte uni guti do bahrete oḡok senkate ac' sāoten mit'ten gutiye namkadea. Uni guti do ac' then mit' sae ṭakae dharao akat' taḡekana. Ar uni guti limbataṭ'kedeteye metadea, 'dharaoak' hala kaṭińme.' [29] "Khange sāoten guti do ti jaṅgare giḡikate nehōrenteye menkeda, 'ma jiwi hataṛme, adoń hala ruṭakatama.' [30] Menkhan uni do bae rebenlena bickom dharaoak' aṭiye hala cabae haḡic' hajotreye bharaokadea. [31] "Noako nelkate uni sāoten eṭak' gutiko do aḡiko bhabnayena. Ar senkate akoren kisṭako laṭiyadea [32] Unre kisṭ doe uni guti hoho aḡu ocokedeteye metadea, 'Eya baṛic' guti! Amem nehōraḡiń taḡekante amak' sanam dharaoak' iń ikaḡet'tama. [33] Iń cet'lekań dayawat'me taḡekan onkage uni hõ maṭyãwae lek do cet' bań taḡekantama?' [34] Khange kisṭ doe raṅgaoente joto rin aṭiye hala ruṭ cabay haḡic' hajotren hoṛko thene jimakadea. [35] "Onkage, ape mimit'ko aperi boehako apeak' ontorte bape ikaḡeko khan, sermare menae ińren Baba hõ apeye onkawapea."

Noage Probhuak Jisuaḡ Bhage Sombat do...

## Dhorom Galmarao

Kristre adi manotan dularia Go-Baba, boeha-miserako- jotoko Jisu marani

Teheñ do, bochor reak bar gel ponak Añhwar kana. Teheñak Bhage Sombatre bon anjometkana je Patras then mitthen kukliye dohoyetkana, “E Probhu Isor, boehañ in uparteye kailere tinak’ dhaoiñ ikaitaea? Eae dhao habic’?” Ar Jisuaq jobab do tahēkana, “... eae dhao habic’ do, menkhan eae gel dobor eae dhao habic’ ikayem.” Noa katha reak mane do naoge kana je ika hatin oktere lekha-jokha doho do ban jarura.

Aboren Probhu Jisu ika ban hatinikak phen katha hotete sikhāunae emabon kana. Mitthen guti do acen malik then khon lakh-lakh taka reak rin tahēkantaea. Uni do em ruar halotre hō bae tahēkana. Uniren kīsār do, daya-māyā hecādea ar uni ikaye namkeda. Uni do, ar joto rin khone khalasakadea, menkhan ika namakat guti do ac sāoten mitthen gutiye namkedere, uni sāoten gutiak mit sae takae bae ikaleda. Uni do sāoten gutiak hotok limbatkedeteye metadea, ‘dharaoak’ hala katinme’, uni do sāoten guti ikakae bae rebenlena bickom dharaoak auriye hala cabae habic hajotreye bhoraokadea. Noa khon, sikhāuna do pura pustaukge bujhaukkana je abo sanamko Isorak daya-māyā namkate, Uni khon ika namkate, ona do hatin adige jarurgea. Ika hatin ontor tahē tabon khan, rangau reak sikri, badla hatau reak sikri ar jokhom namakat sikri do topakgoka.

Dela tobe, dularia go-baba, boeha-miserako, teheñak Bhage Sombatbon larcarma ar Uniak katha ar sikhāuna apnarjon lagitbon kurumuema:

### 1. KAI IKA DO LEKHA-JOKHA DOHO BABOT DO BAN MENKHAN NOA DO DULAR BABOT KANA

Patras do badaejone menetkana je uni do acak boeha tinak dhao habic ika emae jarurtaea mente. Jisu do kukligeye bodoletkana. Ika do lekha-jokha reak katha do kana. Ika hatin ar ika atan do- ontor reak mon-suba kana. Adhom समय abo sanamko do bon menetkana, “In do uni pe dhaoein ikawakadea, ar do ban ikayak.” Isai dhorom reak ika-ipika do ika reak hissab doho lagit do ban kana, menkhan bina lekha-jokha dohote ika hatin kana.

Dular do ika hatin reak hissab puthi do bae dohoeyetkana. Noa reak mane noa do ban kana je abo do kai lagit sujog bon nam idikyetkana se kai do dherokre gorobon emokkana. Kastao salak ika koere, ika emok do jarurgea. Kai ika do- nijorkoak kami do ban menkhan ketecokak gun kana. Ika hatinte, sagai do ketecokkana ar sagai do dularre rehetdokkana. Kai ika do lekha-jokha doho do ban menkhan dular reak cinha kana. Ika bon hatinma ar dularbon sarerma; ika bon hatinma ar goro-goro reak mon-suba bon janamma.

### 2. DISAEME ISOR DO TINAKE DAYA-MAYAYE UDUKAKATMEA

Guti do aema lakh-lakh takage kisar then khone dharleda; oka do uni tis hō bae em sodh darekea. Uniren kīsār do, uniak sanam dhare ikakaktaea. Kīsarak ontor do adi danige tahēkantaea. Kīsār do eken dhon-sompodte kīsār do ban menkhan ontor khon hō kīsargeye tahēkana. Kīsār do eken taka-paisate kīsār do ban menkhan daya-māyāte hō kīsargeye tahēkana. Kīsār do eken jumi-jaega motote kīsār do ban menkhan Isorteak gunkote hō kīsargeye tahēkana. Kīsār do dani horgeye tahēkana. Onate, kīsār do uniak sanam dhare ikakaktaea. Noa hotete- Isorak daya-māyā sodorokkana. Noa hotete- Isorak dular sodorokkana. Noa hotete bujhaukana je Isor do daya-māyāte sarigeye kīsargea.

Abo sanamko hō, Isor then khon aema lekanak bhor-danko bon namakada ar Uniak daya-māyāko bon atkarakada. Aboren Probhu Jisu do, abo sanam dharti manwako Kurus cot

khon ikæ emawakatbona. Okoe do Isorak daya-mãyã nijak jionreye namakat, uni do algate mit-etakko then daya-mãyãe uduk dareyaka.

### 3. IKA BAN HATINTE- GHAO DO JIWETGE TAHEN KANA

Jionre duk-kosto ar nana rokomaak jokhomko do namokgea. Aema okte, abo do duk-kosto ar jokhomko do aboak ontorre bon dohokaakana ar bohokrebon dipilkaakana. Bohok khon ocoak lagit, ontor khon do ika-ipika hatin do adi jarugea. Ontor khon ika hatinte, bohok do rawaloka. Jaoge jokhom reak ghotnako disaete, badla hatau reak sana do janamokkana. Ontor khon ika hatin begor, bohok do hamalge tahenkana. Ika hatin do- alga katha do ban kana, menkhan Isorak sahaite, ika hatin do alga bujhauka. Eken aboak hormo darette, ika do ohoge bon hatin darekeya. Ontor khon ika ban hatinlere, ghao do ar ho jiwet ruaroka ar jokhom do ar ho jasti hasuye janamma.

Ika ban hatin do ona bis jom leka kana, oka hotete do etak horak gujukbon koyokkakkan. Ika hatinte, calaoen din reak disa do banke metaokkana menkhan noa bohokre doho hotete, aboak daraekan din babot aema kukli janamokkana. Ika hatinre, kusi-raska menaka. Ika hatinre, mone-jiwire rarec atkarokkana. Ika hatinte, nawã kahni prothonokkana. Ikaon hatinma ar ghao do bon boge ocokeka.

### 4. IKA-IPIKA HATINTE JOKHOM REAK SIKRI DO TOPAKGOKKANA

Aboak jionre, duk-kosto ar jokhom do rangau reak joye jo ocuyetkana. Rangau do badla hatau reak mon-subae janametakana. Badla hatau do ar ho jasti kostoye janam ocokyetkana. Jasti jokhom do jasti rangaugeye janametakana. Ika-ipika hatinte do, jokhom ar kosto reak sikri topakgokkana. Ika-ipika hatinte do, dular sarsaukkana ar topolakan sagai ketec ruarrokkana. Ika-ipika ban hatinte, karaekurue janammokkana; bhina-bhini janammokkana; retha-rithiko janammokkana; ar mit-etak hor then khonko sanginetbona. Ika-ipika hatinte, jokhom reak mare khon ho mare sikri do topakgokkana.

Ika-ipika hatinte, abo do disom horoko then nijorbon lekhakkana kana menkhan ika-ipika hatin do dareyankoak cinha kana. Nijorko do badla hatau reak mon-suba menaktakoa ar dareyanko do ika hatin reak! Ika-ipika hatinte, badla hatau reak hudis do cabakkana. Ika-ipika hatin reak joto khon maran namuna do abo sanamko, Probhu Jisu then khon bon nametakana. Uni do Acren sanam bæriko Kurus Kat khone ikakatkoa. Aboko ho, Uniak namuna parjate, Uni leka bon hoyoka. Aboak disomren Rani Maria bon disayema- uni do acren bæri gota mone ikae hatinadea. Rani Mariaren katit boeha do, gharonjren bæri 'jelre' calao kateye nampamkedeade ar nijak gharonjreye perakedeade. Noa jugren gadel horoko lagit, noage, Jisuaak daya-mãyã reak maran namuna kana.

### 5. IKA-IPIKA HATIN DO MONETE KETEC DOHO REAK KAMI KANA AR SANA MOTO DO BAN KANA

Jion reak daharre, adhom okte abo do noa hudis janamabon kana je in do uni hor tiske ban ika darewaea. Ika-ipika hatinte, jion reak duk-kosto do banke udukkana. Ika-ipika hatinte, jion reak jokhom do banke udukkana. Ika-ipika hatinte, jion reak namakat hasu do banke cabakgolokkana. Ika-ipika hatin katec ho, okte lagaokkana, ona khon boge nam lagitte. Ika-ipika hatin do- bhage ar batic talare bachao kana. Mit hor aema dhao ika emae do- adige kosto reak kami kana ar noa do sadharon kami do ban kana. Mit horak mit bhulge eyae dhao ika do alga katha do ban kana ar aboren Probhu Jisui menetakana, "eae dhao

hăbic' do, menkhan eae gel dobor eae dhao hăbic' ikăyem." Onate noa do nijorkoak kămi do bań kana menkhan đăreyankoak kămige kana!

## MUCAT KATHA

Dela tobe, dulăria go-baba, boeha-miserako, aboren Isor then khon marań daya-măyă bon nămakada. Aboko hŏ, ona do hătin jarurtabona. Daya-măyă hătinte, dulăř do bărtika. Ikă-ipikă hătinte, gořo-gopro ar sari dulăř janammokă. Jisu do abo sanamko samańre phen katha hotete, bhage sikhăunaeye emabon kana. Ikă-ipikă reak sikhăunabon atańma ar soma jar girjăbon năwă ruăřma. Ikă-ipikă hătinte, ghaoko do bharaukă ar jokhom do bogekă. Ikă-ipikă hătinte, năwă aas janammokă. Dela tobe, dulăria go-baba, boeha-miserako, Jisuađ nămunabon pańjaema ar Uni leka hoyok lađitbon kurumuđuema.

## Nehor Koe

**NAEKE / AYURIC:** Kristre đulăria Go-Baba, boeha-miserako, aboren Serma Baba do Aćren Hopon Jisu Krist hotete, Aćak daya-măyăye sodorakatbona. Uniak daya-măyă do usul buru lekage usulgea ar jalapuri lekage khăńdrigea. Uni do Aćren Hopon Jisu Kristak măyăm hotete, aboak kai reak ikăe emawakatbona. Uni samańre sanam kăiko lađit do jaega menakă. Mimiđ kăiyan manwa do, Uniren gađi kanako; cedak je Uni kăiye hirkhăwak kana, kăiyan manwa do bań. Dela, Uni daya uđuik Probhu thenge, aboak nehorko bon dohoema. **Dela aboak roř ruar do hoyokma:**

**E dulăria Probhu, aleak koe ańjomtaleme.**

E daya-măyăte perećakan Sisirjăuic Sirjon Baba, ale do aleak Katholik Girjăren Guđpiyić, Dhorom Papa Liyo lađit'le nehorokkana, dayatamte, Amak serma sisir dakte perećkaeme jemon Uni do sanam jătren ar sanam disomren boeha-miserako talare Isorak daya-măyă reak sikhăunaeye pasnaote, kăiyanko do ikă năm lađit Girjăteko ruăřok ar pacakanko do sari dhoromteko ruăřok. Noa dhorom kămire, Amak bhor dan bare emaeme. Noa lađit' debon koema.

**E dulăria Probhu, aleak koe ańjomtaleme.**

E daya-măyăte perećakan Sisirjăuic Sirjon Baba, ale do aleak dhorom subăren ayuric-aleren Bishop Baba- ..... lađit'le nehorokkana, Amak săhai unire jhalkaome ar mađir mon emaeme jemon uni do dhorom subăren sanam pađiăuanko daya-măyă reak mătteye beńgetako ar Girjă reak duăř do pacakanko atań lađit jaoge jhićgeye dohokkak. Noa dhorom kămire, Amak bhor dan bare emaeme. Noa lađit' debon koema.

**E dulăria Probhu, aleak koe ańjomtaleme.**

E daya-măyăte perećakan Sisirjăuic Sirjon Baba, ale do disomren sanam ayurko lađit'le koeyet'kana, okoeko do disomko calao-benaotkan ar okoeyak tire do suluđ-nirăi thamgiđI reak bhar kămiko menak, Amak daya-dulăř unko cetanre jhalkao ocueme jemon unko do

disom hořko do disom-disom talare lařhai do bań menkhan galmarao ar daya-măyă reak đahar pańjate, sanamko do napaete lahanti reak đaharreko ayurko ar unko do jaoge suluć-nirai thamgiđi lađit' niyom ar ańko benao. Noa bhage kamire, Amak' bhor dan bare emakkome. Noa lađit' debon koema.

**E dularja Probhu, aleak' koe anjomtaleme.**

E daya-măyăte perećakan Sisirjauc Sirjon Baba, ale do aleak' atu somajren sanam hořko lađitle nehorokkana, sanamko cetanre Amak' sahai de jarieme jemon unko do mit'-etak' horak' bhul do bań, badla hatao reak mon-suba do bań, mit'-etakko kaćic uduć do bań, bickom sanam lekanak' barić khon ar barić sobhab khon sańgińre tahen reak bhor dan emakome. Noa lađit' debon koema.

**E dularja Probhu, aleak' koe anjomtaleme.**

E daya-măyăte perećakan Sisirjauc Sirjon Baba, ale do unko sanam boeha-miserako lađitle nehorokkana, okoe do mit'-etakko ika emakko lađit' adi kostogeko atkarećkan, ar noa hamal bojha do bohokreko dipil baraeyetkan, dayatamte Amak' măyăkiń mette bergetakome jemon kećeć ontor do lađit'doktako, ar ika-ipika haćin reak mon-suba ar bhorko nam. Noa lađit' debon koema.

**E dularja Probhu, aleak' koe anjomtaleme.**

E daya-măyăte perećakan Sisirjauc Sirjon Baba, ale do lařhai-jhogra karonte, bhul bujha-bujhi karonte, jokhom karonte ar paćiar bań karonte raputakan gharonjko lađitle koeyetkana, Amak' sahai onako sanam gharonjko cetanre de jhalkaome jemon mimit' gharonj do ika-ipika reak đaharko apnarjon arko solho ruarokte, gharonjre sari dulař ar sari suluć-nirai do thamgiđi. Noa sađun kamire, Amak' bhor dan bare emakkome. Noa lađit' debon koema.

**E dularja Probhu, aleak' koe anjomtaleme.**

E daya-măyăte perećakan Sisirjauc Sirjon Baba, ale do sanam isaı boeha-miserako lađitle nehorokkana, asokaete unko sanamko lađit', okoe do jion reak đaharre aema lekanak' jokhomko namakat', aema lekanak' ghaoko namakat', dhokako namakat', ar aema lekać barić reak jhalireko jhaliyakan, Amak' dulař reak umulre sanam isaı boeha-miserakole jimayetkoa, bhor dan emakome jemon unko do dil-đareko nam, Isorak' bogeko atkar ar ontorre dil-bhorsako nam. Noa lađit' debon koema.

**E dularja Probhu, aleak' koe anjomtaleme.**

E daya-măyăte perećakan Sisirjauc Sirjon Baba, ale do sanam juan kořa-kuriko lađitle nehorokkana, asokaete unko sanamko lađitge, okoe do rańgau, bhina-bhini, hiska, karaekurue, ar badla hatao reak mon-suba menaktako, unko sanamko Amak' bhor dan emakome jemon unko do- dulař, ika-ipika ar suluć pasnao reak đahar pańja lađit' uskurkome. Noa lađit' debon koema.

**E dulãria Probhu, aleak koe añjomtaleme.**

E daya-mãyãte perećakan Sisirjauic Sirjon Baba, ale do noa mission dindã ar atu-tola reak Girja laġitle arojetkana, Amak bhor dan de jhalkaome jemon joto paťiãuan boeha-miserako do- bina hisãb dohote ika haťin reak sikhãunako apnarjon ar bhage isai hoyok reak namunako em. Noa laġit' debon koema.

**E dulãria Probhu, aleak koe añjomtaleme.**

**NAEKE / AYURIC:** E daya-mãyãte perećakan Serma Babatale, tehenle samańakat koe-nehorko atańtaleme bare. Aleak ghao ar jokhomko bogeyme, solho ruar laġit sahaialeme ar aleak badla hatao reak mon-subã do tirejuge laġitge ocokkataleme. Amak daya-mãyã disã dohoe reak bhor emaleme ar namakat daya-mãyã khom, miť-eťakko saote haťin reak sahaite perećkaleme. Tehenle samańakat koeko do, Amak mone leka bare purau taleme bare. Ini aleren Probhu Krist hotete. **Amen.**

Fr. Nanku Nicholas Besra SDB  
Don Bosco High & Technical School PVT ITI  
Don Bosco Road, Krishnanagar, Nadia

